



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini broj: 02-04-8728-2.1/25 od 14.03.2025. godine, utvrđen Zaključkom Vlade Kantona Sarajevo broj: 02-04-8728-2/25 od 14.03.2025.godine, o b j a v l j u j e;

**JAVNI POZIV NEZAPOSLENIM OSOBAMA SA PODRUČJA KANTONA
SARAJEVO DA SE PRIJAVE ZA UČEŠĆE U PROGRAMU
SAMOZAPOŠLJAVANJA**

„OD IDEJE DO PODUZETNIKA“

I

Program samozapošljavanja „ Od ideje do poduzetnika „ (u daljem tekstu: Program), realizuje se samozapošljavanjem nezaposlenih osoba, odnosno pokretanjem njihove samostalne djelatnosti na području Kantona Sarajevo na način da im se dodjeljuju nepovratna grant sredstva u iznosu od 17.800,00 KM po jednom korisniku.

Cilj Programa je kraće trajanje nezaposlenosti i stimulisanje samozapošljavanja.

II

Pravo učešća u Programu imaju sve nezaposlene osobe, prijavljene na evidenciju nezaposlenih u Kantonu Sarajevo, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do dana podnošenja prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Službe, Federalnog zavoda za zapošljavanje ili donatorskih organizacija za iste aktivnosti za koje su podnijeli aplikaciju za dodjelu grant sredstva, odnosno da nisu zaključili ugovore o dodjeli grant sredstva koja potiču iz prednje navedenih izvora, te da su spremni osigurati vlastito sufinansiranje od minimalno 10% od ukupno vrijednosti odobrenih podsticajnih grant sredstava po Programu.

III

Također, poslovna ideja (uobličena i razvijena u biznis planu) mora biti aktivnost koja se može identificirati i registrovati kao osnovna djelatnost prema klasifikaciji djelatnosti KD BiH 2010 („Službeni glasnik BiH“, broj 47/10), a u okviru sljedećeg obuhvata šifri djelatnosti:

- a) U području C Prerađivačka industrija **prema obavještenju Statistike dozvoljene šifre djelatnosti su: (10.11-10.92), (13.10-18.20), (20.11-25.30) i (25.50-33.20);**
- b) U području E Opskrba vodom, uklanjanje otpadnih voda, gospodarenje otpadom te djelatnosti sanacije okoliša **prema obavještenju Statistike dozvoljene šifre djelatnosti su: 38.11-38.32;**

- c) U području **F** Građevinarstvo **prema obavještenju Statistike dozvoljene šifre djelatnosti su: 41.10-43.99;**
- d) U području **G** Trgovina (popravak motornih vozila i motocikala) **prema obavještenju Statistike dozvoljene šifra djelatnosti su 45.20;**
- e) U području **H** Prevoz i skladištenje (cestovni prijevoz robe i usluga preseljenja) **prema obavještenju Statistike dozvoljene šifra djelatnosti su 49.41-49.42;**
- f) U području **I** Djelatnosti pružanja smještaja te pripreme i usluživanja hrane (hotelijerstvo i ugostiteljstvo) **prema obavještenju Statistike dozvoljene šifre djelatnosti su: 55.10-56.30;**
- g) U području **J** Informacije i komunikacije **prema obavještenju Statistike dozvoljene šifre djelatnosti su: 58.21, 58.29, 62.01, 62.02, 62.03, 62.09 i 63.11;**
- h) U području **M** Stručne, naučne i tehničke djelatnosti **prema obavještenju Statistike dozvoljene šifre djelatnosti su: (69.10-69.20), 74.10 i 75.00;**
- i) U području **N** Administrativne i pomoćne uslužne djelatnosti **prema obavještenju Statistike dozvoljene šifre djelatnosti su: (79.11-79.90);**
- j) U području **Q** Djelatnosti zdravstvene zaštite i socijalne skrbi **prema obavještenju Statistike dozvoljene šifre djelatnosti su: (86.10-88.99); i**
- k) U području **S** Ostale uslužne djelatnosti **prema obavještenju Statistike dozvoljene šifre djelatnosti su: (95.11-96.03).**

IV

Služba će nezaposlenim osobama, koje budu obuhvaćene ovim Programom i registruju samostalnu djelatnost, za prihvatljive troškove pokretanja samostalne djelatnosti, doznačiti sredstva u iznosu od 10.000,00 KM **samo za prihvatljive troškove naznačene u ovom javnom pozivu**, te mjesečno u trajanju od 12 mjeseci, refundirati sredstva u iznosu od 650,00 KM za isplatu plaća i pripadajući poreza i doprinosa u skladu sa propisima koje uređuju ove obaveze u zavisnosti od vrste djelatnosti. Korisnik sredstava ima obavezu da posluje minimalno jednu godinu, počev od dana njegove registracije, a u tom periodu nije mu dozvoljeno otuđenje osnovnih sredstava.

Prihvatljivi troškovi pokretanja samostalne djelatnosti su:

- a) Troškovi registracije biznisa (npr. troškovi taksi, advokatske usluge, troškovi kopiranja i ovjeravanja dokumenata, izrada pečata i sl.);
- b) Troškovi nabavke proizvodnih mašina i ostale opreme neophodne za otpočinjanje poslovanja (npr. nabavka fiskalne kase, nabavka potrebne opreme, sirovina, repromaterijala i mašina za proizvodnju, IT opreme, softvera i sl.);
- c) Uređenje i/ili zakup poslovnog prostora.

Neprihvatljivi troškovi su:

- a) Osnivački kapital ukoliko je predviđeno osnivanje pravnog lica (d.o.o.);
- b) Plaće i doprinosi na plaće;
- c) Nabavka opreme i mašina od lica koja nisu registrovani poslovni subjekti, kao i nabavka opreme i mašina starijih od pet godina;
- d) Vanjski građevinski radovi i kupovina/najam osobnih vozila;
- e) Nadoknade za projektne partnere koji su angažirani na implementaciji aktivnosti;
- f) Dugovanja i rezerve za gubitke;

- g) Dugovanja po kamati;
- h) Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
- i) Kupovina, obnova, rekonstrukcija, modernizacija objekata za ličnu upotrebu;
- j) Kupovina, obnova, rekonstrukcija, modernizacija objekata za najam ili prodaju;
- k) Izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti;
- l) Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
- m) Kazne i troškovi sudskog spora;
- n) Plaćanja neoporezivih bonusa zaposlenima;
- o) Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode;
- p) Kamate;
- q) Trošak police osiguranja imovine (uključuje i imovinu nabavljenu iz projekta);
- r) Studijske posjete;
- s) Stavke već finansirane u sklopu nekog drugog projekta;
- t) Kupovina i iznajmljivanje zemljišta i postojećih zgrada;
- u) Troškovi konverzije, nadoknada ili gubici prilikom konverzije valuta;
- v) Kreditiranje trećih osoba;
- z) Ostali troškovi nespomenuti kao prihvatljivi i ostali troškovi koji nisu relevantni za implementaciju biznis plana.

V

Korisnik poticajnih grant sredstava ima obavezu da po izvršenoj dodjeli sredstava u roku od 6 mjeseci dostavi dokaze o izvedenim radovima i utrošenim sredstvima za koje su odobrena sredstva po prihvaćenom biznis planu, odnosno ugovor i/ili račune kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te po mogućnosti fotodokumentaciju mašina, postrojenja, opreme koja je nabavljena i prostora koji je uređen, dok troškove uplate zakonom propisanih poreza i doprinosa pravda mjesečno. Bespovratna sredstva moći će se koristiti **samo za one prihvatljive troškove** koji su nastali u ime i za račun poslovnog subjekta u stopostotnom vlasništvu odabranog podnosioca prijave.

VI

Nezaposlene osobe koje žele učestvovati u ovom programu dužne su uz elektronsku prijavu prilikom apliciranja putem zvanične web stranice Službe (www.szks.ba) dostaviti skeniranu dokumentaciju u originalu ili ovjerenoj kopiji u roku predviđenom u javnom pozivu u nastavku kako slijedi:

- a) Konačni i potpisan biznis plan sa sadržajem propisanim **Prilogom 2** izrađen prema ekonomskim standardima, a koji biznis plan treba da predstavlja rezultat procesa uobličavanja i razvijanja kvalitetne poslovne ideje i koji obavezno treba da uključuje: ukupna sredstva za realizaciju poslovne ideje, sopstvena uložena sredstva za realizaciju poslovne ideje i poticajna grant sredstva koja podnosilac prijave traži za realizaciju poslovne ideje, s tim da u biznis planu podnosioci aplikacije ne smiju predvidjeti korištenje poticajnih grant sredstava za neprihvatljive troškove, te moraju predvidjeti vlastito učešće od minimalno 10% ukupne vrijednosti odobrenih poticajnih grant sredstava iz ovog Programa, u originalu;
- b) Potpisanu izjavu čiji je sadržaj propisan **Prilogom 3**, ovjerenu potpisom podnosioca aplikacije, te dodatno ovjerenu od nadležnog organa (općina ili notarski ured), kojom

podnosilac aplikacije pod punom moralnom, materijalnom i krivičnom odgovornošću potvrđuje: “da, do dana podnošenja aplikacije na Javni poziv za program Program samozapošljavanja “ Od ideje do poduzetnika “, nisam koristio/la poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove „Služba za zapošljavanje Kantona Sarajevo“, Sarajevo, Federalnog zavoda za zapošljavanje ili donatorskih organizacija za iste aktivnosti za koje sam podnio aplikaciju na ovaj Javni poziv, odnosno da nisam zaključio ugovore o dodjeli grant sredstava koja potiču iz prednje navedenih izvora.”

- c) Potpisanu izjavu čiji je sadržaj propisan **Prilogom 4**, ovjerenu potpisom podnosioca aplikacije, te dodatno ovjerenu od nadležnog organa (općina ili notarski ured), kojom podnosilac aplikacije pod punom moralnom, materijalnom i krivičnom odgovornošću potvrđuje: “da ću ja ili poslovni subjekt kojeg namjeravam registrovati u svom stopostotnom vlasništvu, ako budem odabrani podnosilac aplikacije i ako ja ili moj poslovni subjekt zaključi ugovor o dodjeli grant sredstava po Javnom pozivu za program Program samozapošljavanja “ Od ideje do poduzetnika “, iz drugih izvora, osim izvora na osnovu ovog Javnog poziva obezbijediti dodatna sredstva u iznosu od minimalno 10,00% sredstava od ukupnog odobrenog iznosa sredstava, i da će ta dodatna sredstva biti obezbijedena u ime i za račun poslovnog subjekta u mom stopostotnom vlasništvu.”

VII

Služba će imenovati Komisiju za vrednovanje prispjelih aplikacija u skladu sa pravilnikom o radu komisija sa ciljem smanjenja rizika u poslovanju.

VIII

Na aplikante koji zadovolje sve uslove iz Programa Komisija će primjeniti kriterij za rangiranje – ocjena kvaliteta i tržišnog potencijala, odnosno biznis plana i obaveznog intervjua sa potencijalnim korisnicima grant sredstava ovog programa. Maksimalan broj bodova je 100 bodova. Aplikanti koji ne ostvare više od 50 bodova neće ući u dalju proceduru dodjele sredstava. Za ocjenu kvalitete i tržišnog potencijala biznis podnosioca prijave koristit će se kriteriji prikazan u Tabeli 1.

Tabela 1. Kriteriji za ocjenu kvalitete i tržišnog potencijala biznis plana podnosioca prijave

I Kriteriji za ocjenjivanje kvalitete biznis plana	
Naziv kriterija	Broj bodova
Istraživanje tržišta	0-10
Marketing plan	0-5
Plan pružanja usluga/proizvodnje	0-10
Plan organizacije i menadžmenta	0-5
Finansijski plan	0-5
II Kriteriji za ocjenjivanje doprinosa biznis plana lokalnoj ekonomiji	
Naziv kriterija	Broj bodova
Inovativnost	0-10

Ocjena održivosti	0-10
Mogućnost kreiranja novih radnih mjesta	1 radno mjesto -5
	2 i više radnih mjesta -10
Mogućnost upošljavanja lokalnih dobavljača i izvoza	0-5
III Intervju	30
Maksimalan broj bodova	100

IX

Aplikanti kojima bude odobreno učešće u Programu će prije zaključenja ugovora o dodjeli grant sredstava imati obavezu registracije poslovnog subjekta u njihovom stopostotnom vlasništvu.

X

Aplikacije se na osnovu gore navedenih kriterija vrednuju od strane imenovane komisije te nakon toga utvrđuje prijedlog liste aplikanata za učešće u Programu. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe zaključuje ugovore sa aplikantima čije su aplikacije za učešće u Programu samozapošljavanja Od ideje do poduzetnika prihvaćene.

XI

Ugovorom između Službe i aplikanta/korisnika sredstava, a nakon usvajanja liste, uređuju se prava i obaveze Službe, aplikanta i korisnika sredstava, obavezu pravdanja prihvatljivih troškova kao i obavezu pravdanja isplate plaća i pripadajućih poreza i doprinosa u skladu sa propisima koji uređuju ove obaveze.

XII

Aplikanti kojima bude odobreno učešće u Programu prije zaključivanja ugovora o dodjeli grant sredstava dužni su Službi dostaviti:

- a) Potpisanu izjavu čiji je sadržaj propisan **Prilogom 5**, ovjerenu potpisom podnosioca aplikacije, te dodatno ovjerenu od nadležnog organa (općina ili notarski ured), kojom podnosilac aplikacije pod punom moralnom, materijalnom i krivičnom odgovornošću potvrđuje: “da, do dana zaključivanja ugovora o dodjeli grant sredstava na osnovu Javnog poziva za podnošenje prijave za program samozapošljavanja „ Od ideje do poduzetnika “ , nisam koristio/la poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, javne ustanove „Služba za zapošljavanje Kantona Sarajevo“, Sarajevo, Federalnog zavoda za zapošljavanje ili donatorskih organizacija za aktivnosti koje su navedene u biznis planu i za koje sam podnio prijavu za dodjelu grant sredstava, odnosno da nisam zaključio ugovore o dodjeli grant sredstava koja potiču iz prednje navedenih izvora.”
- b) Rješenje o registraciji poslovnog subjekta u stopostotnom vlasništvu odabranog podnosioca aplikacije, izdato od strane nadležnog organa, u ovjerenoj fotokopiji;
- c) Uvjerenje o registraciji poreznog obveznika (poslovnog subjekta u stopostotnom vlasništvu odabranog podnosioca aplikacije), izdato od strane Porezne uprave Federacije BiH - Kantonalni porezni ured Sarajevo, u ovjerenoj fotokopiji;
- d) Uvjerenja o klasifikaciji/razvrstavanju poslovnog subjekta po djelatnosti izdato od strane Federalnog zavoda za statistiku, u stopostotnom vlasništvu odabranog podnosioca aplikacije prema klasifikaciji djelatnosti, izdato od strane Federalnog zavoda za statistiku Sarajevo - Služba za statistiku za područje Kantona Sarajevo, u ovjerenoj fotokopiji;

- e) Ugovor o transakcijskom računu, zaključen između poslovne banke i poslovnog subjekta u stopostotnom vlasništvu odabranog podnosioca aplikacije, u ovjerenoj fotokopiji;
- f) Obrazac JS 3100 (prijava osiguranja odabranog podnosioca aplikacije zaposlenog u poslovnom subjektu, kao korisniku sredstava, koji je u njegovom stopostotnom vlasništvu), izdat od Porezne uprave Federacije BiH – Kantonalni porezni ured Sarajevo, u ovjerenoj fotokopiji;
- g) Potpisanu izjavu čiji je sadržaj propisan **Prilogom 6** ovjerenu potpisom podnosioca aplikacije, te dodatno ovjerenu od nadležnog organa (općina ili notarski ured), kojom podnosilac aplikacije pod punom moralnom, materijalnom i krivičnom odgovornošću potvrđuje: “da, ću ja ili poslovni subjekt čiji sam stopostotni vlasnik iz drugih izvora, osim izvora dobijenih na osnovu Javnog poziva za podnošenje aplikacija za program samozapošljavanja „ Od ideje do poduzetnika “, obezbijediti dodatna sredstva u iznosu od minimalno 10,00% sredstava od ukupnog odobrenog iznosa poticajnih sredstava po ovom Javnom pozivu, najkasnije 3 (tri) mjeseca od dana zaključivanja ugovora o dodjeli poticajnih grant sredstava, i da su ta dodatna sredstva obezbjeđena u ime i za račun poslovnog subjekta čiji sam stopostotni vlasnik.”
- h) Potpisanu izjavu čiji je sadržaj propisan **Prilogom 7** ovjerenu potpisom podnosioca aplikacije, te dodatno ovjerenu od nadležnog organa (općina ili notarski ured), kojom podnosilac aplikacije pod punom moralnom, materijalnom i krivičnom odgovornošću potvrđuje: “da, se protiv mene ne vodi krivični postupak, kao i da nisam pravosnažno osuđen za počinjenje krivičnog djela i/ili privredni prijestup.”
- i) Bjanko ovjerene mjenice i odgovarajuće mjenične izjave sa sadržajem mjenične izjave propisane **Prilogom 8**, u originalima.

XIII

Rok za realizaciju Programa samozapošljavanja je 18 mjeseci od dana usvajanja listi.

XIV

Javni poziv ostaje otvoren 15 dana od dana objave a rezultati će biti objavljeni na web stranici Službe.

XV

Aplikacije sa potrebnom dokumentacijom, podnose se isključivo Javnoj ustanovi „Služba za zapošljavanje Kantona Sarajevo“ Sarajevo, putem elektronske forme na web stranici www.szks.ba (jedini način podnošenja prijava na Javni poziv).

Detaljne informacije o načinu registracije korisnika na aplikaciju za elektronsku prijavu na Javni poziv nalaze se na web stranici www.szks.ba u formi objavljenog video uputstva i objavljenog dokumenta „Uputstvo o načinu i postupku registracije i elektronskih podnošenja aplikacija/prijava u svrhu prijavljivanja na javne pozive po Programima za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u Javnoj ustanovi „Služba za zapošljavanje Kantona Sarajevo“ Sarajevo.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-083

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/:+387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

